

服藥失度心中苦煩方

飲生葛根汁大良無生者乾葛爲末水服五合亦可煮服之  
又方吞雞子黃數枚卽愈不差更作

服石藥過劑者

白鴨屎末和水調服之差

又方大黃三兩芑硝二兩生地黃汁五升煮取三升分三服得  
下便愈

若卒服藥吐不止者

飲新汲水一升卽止

若藥中有巴豆下痢不止方

道藏輯要

肘後備急方

笑

虛集十一  
川名川

末乾薑黃連服方寸七差

又方煮豆汁一升服之差

附方

外臺祕要治服藥過劑及中毒煩悶欲死

燒犀角末水服方寸七

治卒中諸藥毒救解方第六十八

治食野葛已死方

以物開口取雞子三枚和以吞之須臾吐野葛出

又方溫猪脂一升飲之

又方取生鴨就口斷鴨頭以血瀝口中入咽則活若口不可開

者取大竹筒洞節以頭注其脇取冷水竹筒中數易水須與口開則可得下藥若人多者兩脇及臍中各與筒甚佳又方多飲甘草汁佳

姚方中諸毒藥及野葛已死方

新小便和人尿絞取汁一升頓服入腹卽活解諸毒無過此汁

中酖毒已死者

粉三合水三升和飲之口噤以竹管強開灌之

中射芮毒

藍汁大豆猪犬血並解之

道藏輯要

肘後備急方

允

虛集十一  
川又又

中狼毒毒以藍汁解之

中狼葵毒以葵根汁解之

中藜蘆毒以雄黃葱汁並可解之

中躑躅毒以梔子汁解之

中巴豆毒

黃連小豆藿汁大豆汁並可解之

中雄黃毒以防已汁解之

中蜀椒毒中蜈蚣毒

二毒桑汁煮桑根汁並解之

中礬石毒以大豆汁解之

中芫花毒以防風甘葛桂並解之

中半夏毒以生薑汁乾薑並解之

中附子烏頭毒大豆汁遠志汁並可解之

中杏仁毒以藍子汁解之

食金已死者取雞屎半升水淋得一升飲之日三服

又方吞水銀二兩卽裏金出少者一兩亦足

姚云一服一兩三度服之扶坐與之令人腹卽活

又方鴨血及雞子亦解之

今取一種而兼解眾毒

取甘草咬咀濃煮多飲其汁并多食葱中涕並佳

道藏輯要

肘後備急方

卒

虛集十一

川八川

又方煮大豆令湧多飲其汁無大豆豉亦佳

又方藍青藍子亦通解諸毒常預畜之

又方煮薺芫令濃飲一二升祕方卒無可煮嚼食之亦可作散

服之此藥在諸藥中諸藥則皆驗

又方凡煮此藥汁解毒者不可熱飲之諸毒得熱更甚宜使小

冷爲良

席辯刺史云嶺南俚人毒皆因食得之多不卽覺漸不能食或更心中漸脹并背急悶先寒似瘴

微覺卽急取一片白銀含之一宿銀變色卽是藥也銀青是

藍藥銀黃赤是菌藥久久者入眼眼或青或黃赤青是藍藥

黃赤是菌藥俚人有解療者畏人得知在外預言三百牛藥  
或云三百兩銀藥余久任以首領親狎知其藥常用俚人不  
識本草乃妄言之其方並如後也

初得俚人毒藥且令定方

生薑四兩甘草三兩炙切以水六升煮取二升且服三服服  
訖然後覓藥療之

療方

常山四兩切白鹽四錢以水一斗漬一宿以月盡日漬月一  
日五更以土釜煮勿令奴婢雞犬見煮取二升旦分再服服  
了少時卽吐以銅器貯取若青色以杖舉五尺不斷者卽藥

道藏輯要

肘後備急方

空

虛集十二  
州之上

未盡二日後更一劑席辯曾飲酒得藥月餘始覺首領梁墳  
將土常山與席呼爲一百頭牛藥服之卽差差後二十日慎  
毒食唯有煮飯食之前後得差凡九人

又方黃藤十兩嶺南皆有切以水一斗煮取二升分三服服訖  
毒藥內消若防已俚人藥常服此藤縱得自然不發席云常  
服之利小便亦療數人

又方都淋藤十兩嶺南皆有土人悉知俚人呼爲三百兩銀其  
葉細長有三尺微藤生切以水一斗和酒二升煮取三升分  
三服服訖毒藥並逐小便出十日慎毒食不差更服之卽愈  
又方乾藍實四兩白花藤四兩出壽州者上不得取野葛同生

者切以水七升酒一升煮取半空腹頓服之少悶勿恠單乾藍搗末頓服之亦差

又療腹內諸毒

都淋藤二兩長三寸並細剉酒三升合安罌中密封以糠火燒四邊燒令三沸待冷出溫服常令有酒色亦無所忌大效若不獲已食俚人食者

先取甘草一寸炙之後熱嚼吞之若食著毒藥卽吐便是得藥依前法療之席辯云常囊貯甘草十片以自防

附方

勝金方療一切毒

道藏輯要

肘後備急方

全

盧集十一  
川〇三

以膽子礬爲末用糯米糊丸如雞頭實大以朱砂衣常以朱砂養之冷水化一丸服立差

經驗方解藥毒上攻如聖散

露蜂房甘草等分用麩炒令黃色去麩爲末水二碗煎至八分一碗令溫臨臥頓服明日取下惡物

外臺祕要治諸藥石後或熱噤多向冷地臥又不得食諸熱麩酒等方

五加皮二兩以水四升煮取二升半候其發之時便服未定更服

孫思邈論云有人中烏頭芭豆毒

甘草入腹卽定方稱大豆解百藥毒嘗試之不效乃加甘草爲甘豆湯其效甚速

梅師方蜀椒閉口者有毒誤食之便氣欲絕或下白沫身體冷急煎桂汁服之多飲冷水一二升忽食飲吐漿煎濃豉汁服之

聖惠方治硫黃忽發氣悶用羊血服一合效

又方治射罔在諸肉中有毒及漏脯毒

用貝子末水調半錢服效或食麩臙毒亦同用

初虞世方治藥毒祕效

巴豆去皮不出油馬牙硝等分合研成膏冷水化一彈子許

道藏輯要

用後備急方

叁

虛集十一

服差

治食中諸毒方第六十九

蜀椒閉口者有毒戟人咽氣便欲絕又令人吐白沫

多飲桂汁若冷水一二升及多食大蒜卽便愈慎不可飲熱殺人比見在中椒毒合蒜及薺芫差

鈎吻葉與芥相似誤食之殺人方

薺芫八兩水六升煮取三升服五合口五服又云此非鈎吻食諸菜中毒發狂煩悶吐下欲死方

取雞屎燒末服方寸七不解更服又煮葛根飲汁

萹蓄毒煮甘草汁搗藍汁飲並良